

二十四史研究資料叢刊

北齊地理志

下

中華書局

二十四史研究資料叢刊

北齊地理志 下

施和金 撰

中華書局

卷三 河南地區（上）

四〇、兗州，治瑕丘城。漢置兗州，魏、晉、劉宋、後魏、北齊皆因之。

魏書地形志云：「兗州，後漢治山陽昌邑，魏、晉治廩丘，劉義隆治瑕丘，魏因之。」瑕丘，元和郡縣志云：「即魯之負瑕邑也。」宋元嘉十三年立兗州，理瑕丘城，而瑕丘無縣。至隋文帝，割鄒縣、汶陽、平原三縣立瑕丘縣，屬兗州。」是劉宋、後魏及北齊時兗州所理爲瑕丘城，並無瑕丘縣也。讀史方輿紀要云瑕丘城在兗州府西二十五里，蓋明初改築府城，縣城東移，故瑕丘舊城遂在府西也。

魏書地形志兗州領泰山、魯郡、高平、任城、東平、東陽平六郡，北齊廢魯郡、東平郡、東陽平郡，又改泰山郡爲東平郡，故天保七年後兗州領東平、高平、任城三郡。

（一）泰山郡，治博平縣。

魏書地形志云：「泰山郡，漢高帝置。」隋書地理志魯郡博城縣下云：「舊曰博平縣（隋書地理志原作博縣，無平字，據楊守敬隋書地理志考證改，詳見博平縣下），置泰山郡，後齊改郡曰東平，開皇初郡

廢，十六年改縣曰汶陽，尋改曰博城。按魏書地理志兗州領有東平郡，此云「後齊改郡曰東平」者，蓋併東平入泰山，又改泰山郡爲東平郡，而郡治不變也。故此後魏、北齊之泰山郡及後來之東平郡皆治博平縣也。

魏書地理志泰山郡領鉅平、奉高、博平、嬴縣、牟縣、梁父六縣，北齊廢鉅平、牟縣二縣，又有廢東平郡之須昌一縣及廢東陽平郡之樂平、平原二縣來屬，並改泰山郡爲東平郡，故天保七年後新東平郡領奉高、博平、嬴縣、梁父、須昌、樂平、平原七縣（互見東平郡、東陽平郡下）。

△①鉅平縣，今山東泰安市西南。

魏書地理志云：「鉅平，二漢、晉屬泰山郡，治平樂城。有陽關城、鉅平城、防城。」隋書地理志博城縣下云：「舊曰博，當作博平，魏書地理志云：「舊博，後改博平。」後齊又併博平入焉。」楊守敬隋書地理志考證云：「上文之博即博平也。此又云併博平入，不可通矣。按地形志泰山郡有鉅平縣，在泰安西南，此博平當鉅平之誤。」讀史方輿紀要亦云：「鉅平城，在寧陽縣東北九十里。漢置鉅平縣，屬泰山郡，晉、宋及後魏因之，後齊廢。則此廢於後齊者確爲鉅平縣也。楊守敬云鉅平縣在今山東泰安西南，顧祖禹云在今山東寧陽東北九十里，二人所說雖異，實則一地。以遠近爲言，則距泰安爲近，故云後魏、北齊之鉅平縣在今山東泰安市西南也。泰安市，一九二二年爲泰安縣，一九八二年升爲縣級市，一九八三年又升爲地級市。」

②奉高縣，今山東泰安市東北。

魏書地形志云：「奉高，二漢、晉屬泰山郡。有梁父山、岱嶽祠、玉符山。」隋書地理志云：「奉高縣，開皇六年改曰岱山，大業初廢入博城縣。」元和郡縣志又云：「漢武帝封禪，分嬴、博二縣立奉高縣，以奉泰山之祀。」又云：「泰山，一曰岱宗，在縣西北三十里。」則此奉高縣不但歷史悠久，且有五嶽之首泰山在其境內，宜其爲古之名縣也。讀史方輿紀要引魏氏曰：「自成皋以東，歷梁、宋、曹、鄆諸州，幾千餘里，大抵經途沃野，無大山重阻，而泰山忽焉特起，博厚崇隆，拱衛南北。自此群山翼帶，直抵海濱，爲天下之奧區，神皋形勝，直與關中並峙。五嶽爲群山之尊，而泰山又爲五嶽之長，不信然與？」所謂泰山天下雄，一覽衆山小也。

讀史方輿紀要謂奉高廢縣「在泰安州東北十七里。漢置縣，爲泰山郡治。後漢及晉、宋因之。魏仍屬泰山郡，隋開皇六年改曰岱山縣，大業初併入博城縣」。泰安州，清雍正時升爲泰安府，以泰安縣爲附郭。一九一二年仍稱泰安縣，一九八二年升爲縣級市，一九八三年又升爲地級市。則此後魏、北齊之奉高縣是在今山東泰安市東北也。

③ 博平縣，今山東泰安市東南。

魏書地形志云：「博平，二漢、晉曰博，屬泰山郡，後改曰博平。有博平城、防城。」隋書地理志云：「博城，舊曰博，後齊又併博平入焉。開皇十六年改縣曰汶陽，尋改曰博城。」楊守敬隋書地理志考證云：「舊曰博，地形志作博平，云二漢、晉曰博，後改。然則博下當有平字。」又云：「又併博平入焉。上文之博即博平，此又云併博平入，不可通矣。按地形志泰山郡有鉅平縣，在泰安西南，此博平當

鉅平之誤。」要之，後魏已改博縣爲博平縣，後齊則廢鉅平縣入博平，至隋，則改博平爲汶陽，尋又改爲博城也。讀史方輿紀要泰安州下有奉符廢縣，云：「即泰安州治，春秋時之博邑，漢置博縣，後魏曰博平縣，隋開皇十六年改縣曰汶陽，尋又改爲博城。」又云：「古博城在今州東南三十里，宋開寶五年移縣治岱嶽鎮，即今州治也。」泰安州，清雍正時升爲泰安府，又增設泰安縣爲附郭。一九一二年仍稱泰安縣，一九八二年升爲縣級市，一九八三年又升爲地級市，則後魏、北齊之博平縣是在今泰安市東南也。

④ 羸縣，今山東萊蕪市東北。

魏書地形志云：「羸，二漢、晉屬泰山郡。」隋書地理志羸縣屬魯郡。元和郡縣志云：「萊蕪縣，本漢縣也，至晉廢，後魏移古羸縣於此。貞觀元年廢入博城縣，至長安四年又於廢羸縣置萊蕪縣。」讀史方輿紀要泰安州羸城下云：「漢置羸縣，屬泰山郡，晉仍爲羸縣，宋因之，後魏移置於廢萊蕪城，即今萊蕪縣也。」其萊蕪縣下亦云：「漢置萊蕪縣，晉因之，劉宋時省。後魏移置羸縣於此，仍屬泰山郡。唐貞觀初省縣入博城，長安四年於廢羸縣置萊蕪縣。」據此，似後魏、北齊之羸縣即今山東之萊蕪縣。然元和郡縣志又云：「漢萊蕪故城在今淄州東南六十里。」唐代淄州治淄川縣，在今山東淄博市西南約三十里，則漢萊蕪城更在今淄博市西南約九十里，亦即今萊蕪縣東北約四十里。故後魏、北齊之羸縣移至廢萊蕪城，是在今山東萊蕪市（一九八三年升爲縣級市）東北也。

△⑤ 牟縣，今山東萊蕪市東。

魏書地形志云：「牟，漢、晉屬泰山郡，有萊蕪城、平州城、牟城。」隋書地理志云：「後齊又併牟縣入博平。」然則此縣北齊已廢。讀史方輿紀要萊蕪縣下云：「牟城，在縣東二十里。漢置牟縣，後漢及晉、宋因之。北齊省。」是後魏、北齊之牟縣在今山東萊蕪市東二十里也（萊蕪縣於一九八三年升為縣級市，一九九二年又升為地級市）。

⑥ 梁父縣，今山東泰安市東南。

魏書地形志云：「梁父，二漢、晉屬泰山郡。」隋書地理志梁父縣屬魯郡。讀史方輿紀要云：「梁父城，在泗水縣北四十里。漢縣，屬泰山郡。晉、劉宋、後魏因之。唐貞觀初縣省。舊志云故城北去泰安州六十里，蓋接壤處。」然則後魏、北齊之梁父縣是在今泰安南六十里。核諸中國歷史地圖集，當在今山東泰安市東南，讀史方輿紀要定位稍誤。按泰安州，一九一二年為泰安縣，一九八二年升為縣級市，一九八三年又升為地級市。

△(一) 魯郡，治魯縣。

魏書地形志云：「魯郡，秦置，為薛郡。高后改為魯國。皇興中改為魯郡。」楊守敬隋書地理志考證云：「晉改魯國為魯郡，宋因之，地形志皇興中改郡，恐誤。」今核晉書地理志，確為魯郡，此魏書地形志有誤也。又曲阜縣下云：「舊曰魯郡，後齊改郡為任城，開皇三年郡廢。」元和郡縣志亦云：「高齊文宣帝省魯郡，仍於魯城置任城郡。」按任城郡本治任城，北齊廢魯郡後，移任城郡治魯縣（隋開皇十六年改為曲阜縣），原魯郡各縣皆改隸任城郡也。然而任城縣並不屬任城郡，元和郡縣志云：「任城縣，齊

天保七年移高平郡治此。」是天保七年後任城又屬高平郡矣。當時省併郡縣，不知爲何要如此糾葛不清，真令人費解。

魏書地理志魯郡領魯縣、汶陽、鄒縣、陽平、新陽五縣。北齊廢陽平、新陽二縣，又併魯郡入任城郡，移任城郡治魯縣，故天保七年後魯縣、汶陽、鄒縣皆屬任城郡矣。

①魯縣，今山東曲阜市。

魏書地理志云：「魯，二漢、晉屬魯郡。有魯城、孔子墓及廟。」隋書地理志云：「曲阜，舊曰魯郡（楊守敬云：「郡縣同名，遂不書縣」）。後齊改郡曰任城，開皇三年郡廢，四年改縣曰汶陽，十六年改名曲阜。」讀史方輿紀要云：「魯城，今曲阜縣治。秦爲薛郡治，隋曰曲阜縣。歷宋至元，遷縣治於魯城東十里，謂故城爲闕里，而城址已夷爲平陸。明正德七年流賊入兗，陷曲阜，復犯闕里，乃徙縣於魯城故址，築城周八里，而舊縣遂廢。」然則後魏、北齊之魯縣即今山東曲阜市也。曲阜，一九一二年仍爲縣，一九八六年升爲縣級市。

按曲阜有尼山，謂是孔子誕生地，在縣東南五十里。又有闕里，在縣城內，即孔子故宅也。

②汶陽縣，今山東曲阜市東北。

魏書地理志云：「汶陽，二漢、晉屬魯郡。有汶陽城。」隋書地理志云「開皇四年改魯縣爲汶陽縣」，元和郡縣志云「隋開皇三年罷魯郡，仍移汶陽縣理魯縣，屬兗州，十六年改汶陽爲曲阜縣」。然則汶陽縣至隋初未廢也。讀史方輿紀要云：「汶陽城，在曲阜縣東北四十里。漢置縣，屬魯國，晉屬魯郡，宋

及後魏因之。北齊省，隋因改魯縣曰汶陽。」此說誤也。若汶陽縣後齊已省，又如何能於開皇初移治魯縣？顧祖禹蓋見隋書地理志云開皇四年改魯縣爲汶陽，便斷定此前汶陽已廢，因而能改魯縣爲汶陽，否則將會兩汶陽並置，却未考及元和郡縣志有開皇初移汶陽縣治魯城，故有此誤也。雖如此，其云「汶陽城在曲阜縣東北四十里」則大致近似，然則後魏、北齊之汶陽縣是在今山東曲阜市東北也。

③ 鄒縣，今山東鄒城市。

魏書地形志云：「鄒，二漢、晉屬魯郡。」隋書地理志鄒縣屬魯郡。王仲孳北周地理志云：「北齊以鄒縣廢入平陽縣，而改平陽曰鄒縣。」又引清一統志云：「後魏時，平陽、鄒縣並置，分屬高平郡、魯郡。北齊天保七年併省郡縣，乃省平陽入鄒縣，又移鄒縣治平陽。」讀史方輿紀要亦云後齊廢平陽縣。然則北齊移鄒縣治廢平陽城，非廢鄒縣也。平陽城，讀史方輿紀要云在鄒縣西三十里，核諸中國歷史地圖集，應作「西北」。是後魏之鄒縣在今山東鄒縣東南，北齊之鄒縣則移治漢平陽縣城，即今山東鄒縣。鄒縣已於一九九五年升爲鄒城市（縣級市）。故北齊之鄒縣即今山東鄒城市也。

△④ 陽平縣，今山東滕州市西。

魏書地形志云：「陽平，劉駿置，魏因之。有滕城。」劉駿即劉宋孝武帝，時南北分裂，相互攻擊，故此魏收寫魏書，直呼劉宋帝名，而不尊稱帝號。宋書州郡志魯郡領有陽平縣，云孝武大明元年立。諸書未見此陽平縣廢於何時，王仲孳北周地理志亦只以「後廢」二字含糊說之，蓋亦廢於北齊天保年間省併天下州縣之時也。魏書地形志既云此陽平縣有滕城，讀史方輿紀要云「滕城在今山東滕縣西南十四

里」，則此陽平縣約在今山東滕縣西也。滕縣，一九八八年升爲縣級滕州市。

△⑤新陽縣，今山東滕州市東南。

魏書地理志云：「新陽，前漢屬東海郡，後罷，劉駿復，魏因之。」宋書州郡志有新陽縣，屬魯郡，云「孝武大明中立」。諸書亦未見此新陽縣廢於何時，蓋亦廢於北齊。中國歷史地圖集未標此縣在何位置，云無考。以理推之，此縣前漢既屬東海郡，後魏又屬魯郡，則當在二郡接界處。中國歷史地圖集標西漢新陽縣在今山東滕縣東南、棗莊西北，而距棗莊較近。劉宋復此縣，未云縣治有移徙，又將此縣隸屬魯郡，則云此縣在今山東滕縣東南較爲妥帖。按滕縣，一九八八年升爲縣級滕州市。

(三)任城郡，後魏治任城縣，北齊治魯縣。

魏書地理志云：「任城郡，後漢孝章帝分東平爲任城國，晉永嘉後罷，神龜元年分高平置。」隋書地理志任城縣下云：「舊置高平郡，開皇初廢。」然楊守敬隋書地理志考證云：「地形志任城國，晉永嘉後罷，神龜元年復，蓋郡縣皆復置於此。」是此任城郡本治任城縣，元和郡縣志云「齊天保七年移高平郡於此，任城縣屬焉」，又云「高齊文宣帝省魯郡，仍於魯城置任城郡」，則北齊天保七年既移任城郡治魯縣，又將任城縣改屬高平郡，並爲高平郡治矣。

魏書地形志任城郡領任城、亢父、鉅野三縣，北齊廢亢父、鉅野二縣，任城改隸高平郡，又移任城郡治魯縣，領魯縣、汶陽、鄒縣三縣。

①任城縣，今山東濟寧市。

魏書地形志云：「任城，前漢屬東平郡，後漢、晉屬任城郡。有任城。」隋書地理志任城縣屬魯郡。元和郡縣志云：「齊天保七年移高平郡于此，任城縣屬焉。」隋開皇三年罷高平郡，縣屬兗州。「蓋天保七年任城郡移治魯縣，故又移高平郡治此也。」讀史方輿紀要云：「二元曰濟寧路，明洪武元年改路爲府，十八年改府爲州，以州治任城縣省入。」則後魏、北齊之任城縣即明山東濟寧州也。濟寧州，一九一三年改爲濟寧縣，一九四九年升爲縣級濟寧市，一九八三年又升爲地級市，故後魏、北齊之任城縣即今山東濟寧市。

△② 亢父縣，今山東濟寧市南。

魏書地形志云：「亢父，前漢屬東平郡，後漢、晉屬任城郡。有亢父城。」讀史方輿紀要云：「亢父城，在濟寧州南五十里。」秦置亢父縣，漢屬東平國，後漢改屬任城國，晉因之，劉宋改屬高平郡，後魏仍屬任城郡，後齊廢。「濟寧州於一九一三年改爲濟寧縣，一九一四年升爲縣級濟寧市，一九八三年又升爲地級市，則此後魏、北齊之亢父縣是在今山東濟寧市南也。」

△③ 鉅野縣，今山東鉅野縣南。

魏書地形志云：「鉅野，一漢屬山陽郡，晉屬高平郡，後屬任城郡。有鉅野城。」讀史方輿紀要云：「鉅野縣，古大野地，漢置鉅野縣，屬山陽郡，後漢因之。晉屬高平國，劉宋因之，後魏屬任城郡，北齊廢。隋開皇十六年復置。金省縣，元復置。」則後魏、北齊之鉅野縣即今山東之鉅野縣也。

(四) 高平郡，後魏治高平縣，北齊移治任城縣。

《魏書地形志》云：「高平郡，故梁國，漢景帝分爲山陽國，武帝改爲郡，晉武帝更名。」《隋書地理志》任城縣下云：「舊置高平郡，開皇初廢。」然元和郡縣志任城縣下云：「齊天保七年移高平郡於此。」則高平郡天保七年前不治任城縣。《魏書地形志高平郡首縣列高平，則高平郡原治高平縣。《讀史方輿紀要》云「高平城在鉅野縣東南，漢置棗縣，王莽曰高平，劉宋爲高平郡治，後魏因之，北齊郡縣俱廢。」按北齊郡未廢，而是移治任城縣，元和郡縣志有明證。此說雖有大致方位，但無距離確切里數，故很難確定其具體位置。楊守敬隋書地理志考證云：「今鄒縣石里村新出土造橋碑，題云『大隋開皇六年，歲次丙午，二月壬午八日己丑，兗州高平縣石里村仲思那等四十人造橋之碑』。」以爲鄒縣曾爲高平縣境。結合讀史方輿紀要所云高平城在鉅野縣東南，則大致可知後魏至北齊之高平縣是在今山東鄒縣西南，高平郡原來就治於此，至北齊始移治任城縣。

《魏書地形志高平郡原領高平、方與、金鄉、平陽四縣，北齊廢高平、方與、平陽三縣，又移郡治任城，並以任城縣屬高平郡，故天保七年後高平郡領任城、金鄉二縣。

△①高平縣，今山東鄒城市西南。

《魏書地形志》云：「高平，二漢屬山陽郡，晉屬高平國。前漢棗也，後漢章帝更名。有千秋城、胡陸城、齊城、高平山。」《讀史方輿紀要》云：「高平城在鉅野縣東南。漢置棗縣，王莽曰高平，劉宋爲高平郡治，後魏因之，北齊廢。」楊守敬隋書地理志考證又據鄒縣出土「大隋開皇六年兗州高平縣石里村仲思那等四十人造橋之碑」，以爲高平縣嘗跨鄒縣境，且北齊未廢，隋初尚存。但《隋書地理志》無高平縣，或

北齊移高平郡治任城即廢此縣，隋初又復，不久又廢，故隋書地理志不加記載。今仍依讀史方輿紀要所載，作北齊廢高平縣。魏書地形志云高平縣有高平山，讀史方輿紀要鉅野縣亦有高平山，云在縣南五十里；又云高平城在鉅野縣東南，則後魏至北齊之高平縣確在今鉅野縣之南及東南，而楊守敬所舉鄒縣出土之隋初兗州高平縣造橋之碑，亦爲有力之實物證據，說明彼時高平縣範圍較廣，除今鉅野縣之南及東南部分外，嘗跨今鄒縣境。因此，定後魏、北齊之高平縣在今山東鄒城市西南，較爲妥當。鄒城市即原鄒縣，一九九二年升爲縣級鄒城市。

△②方與縣，今山東魚臺縣北。

魏書地形志云：「方與，二漢屬山陽郡，晉屬高平國。有方與城。」隋書地理志云：「方與，後齊廢，開皇十六年復。」太平寰宇記亦云：「漢方與縣屬山陽郡，晉屬高平國，北齊天保七年廢。」讀史方輿紀要云：「方與城在魚臺縣城北。秦置方與縣，其北有魯侯觀魚臺，唐因改魚臺縣。城北舊有小城，即故方與縣治。」然則後魏、北齊之方與縣在今山東魚臺縣北也。

③金鄉縣，今山東金鄉縣。

魏書地形志云：「金鄉，後漢屬山陽郡，晉屬高平國。」隋書地理志金鄉縣屬濟陰郡。元和郡縣志云：「金鄉，本漢東緡縣也。後漢於今任城縣西南七十五里置金鄉縣，蓋因穿山得金，故曰金鄉，屬山陽郡。」讀史方輿紀要亦云「後魏仍曰金鄉縣，屬高平郡。」不云有移徙廢棄事，則後魏、北齊之金鄉縣即今山東金鄉縣也。

△④平陽縣，今山東鄒城市。

魏書地形志云：「平陽，二漢、晉曰南平陽。漢屬山陽郡，晉屬高平國。有平陽城、漆城。」讀史方輿紀要云：「南平陽城在鄒縣西三十里，漢置南平陽縣，劉宋改置平陽縣，後齊省。」核諸中國歷史地圖集，南平陽縣是在鄒縣西北三十里，讀史方輿紀要定位稍誤。王仲犛北周地理志又引清一統志云：「後魏時平陽、鄒縣並置，分屬高平郡、魯郡。北齊天保七年併省郡縣，乃省平陽入鄒縣，又移鄒縣治平陽耳。」則後魏之平陽縣是在今山東鄒縣東南，北齊之平陽縣即今山東鄒城市。

△(五)東平郡，後魏治無鹽縣，北齊治須昌縣。

魏書地形志云：「東平郡，故梁國，漢景帝分爲濟東國，武帝改爲大河郡，宣帝爲東平國，後漢、晉仍爲國，後改爲東平郡。」隋書地理志宿城縣下云：「舊置東平郡，後齊並廢。」楊守敬隋書地理志考證引葉圭綬曰：「置東平郡下當有『及無鹽縣』四字。」是也。此隋書地理志有脫誤，若只置東平郡，後齊廢郡時無需云「並廢」，後齊是廢東平郡及郡治無鹽縣，故云「並廢」也。元和郡縣志云：「東平縣，故宿國，兩漢爲無鹽地，後齊於此置須昌縣，屬東平郡，縣理無鹽城。隋別置須昌縣，屬鄆州，改須昌縣爲宿城縣。貞元三年移於鄆州理，改爲東平縣。」是此隋書地理志所云宿城縣，後齊爲須昌縣，北魏時爲無鹽縣，魏書地形志東平郡首縣爲無鹽，則後魏時郡治無鹽也。北齊改無鹽爲須昌，而郡治未變。至天保七年，東平郡併入泰山郡，却又改泰山郡爲東平郡，郡治在博平縣。

魏書地形志東平郡領無鹽、須昌、范縣、壽張、平陸、富城、剛縣七縣。北齊廢東平郡入泰山郡，又

改泰山郡爲東平郡，再廢無鹽、壽張、平陸、富城、剛縣五縣，僅以須昌一縣隸新東平郡；又有廢東陽平郡之樂平、平原二縣來屬，加上原泰山郡之奉高、博平、嬴縣、梁父四縣，天保七年後新東平郡共領七縣，而郡治在博平（互見泰山郡及東陽平郡下）。

△①無鹽縣，今山東東平縣東。

魏書地理志云：「無鹽，二漢、晉屬東平郡。有無鹽城。」隋書地理志云：「宿城，後齊曰須昌，開皇十六年改焉。舊置東平郡及無鹽縣（及無鹽縣四字，據楊守敬隋書地理志考證補），後齊並廢。」元和郡縣志亦云：「後齊於此置須昌縣，屬東平郡，縣理無鹽城。」然則此無鹽縣至北齊已廢，並改置須昌縣也。讀史方輿紀要云：「無鹽城在東平州東二十里，漢置無鹽縣，屬東平國，後魏屬東平郡，北齊省。」則後魏、北齊之無鹽縣是在明東平州東二十里也。東平州，一九一三年改爲東平縣，是後魏、北齊之無鹽縣在今山東東平縣東。

②須昌縣，今山東東平縣東。

魏書地理志云：「須昌，前漢屬東郡，後漢、晉屬東平郡。治須昌城。」元和郡縣志云：「東平縣，兩漢爲無鹽地，後齊於此置須昌縣，屬東平郡。縣理無鹽城。隋別置須昌縣，改須昌爲宿城。」唐貞元三年改爲東平縣。」又云：「前須昌縣，在今須昌縣東三十里，須昌故城（即漢須昌縣故址）是也。隋改須昌爲宿城，更立須昌於今理，屬鄆州。縣在鄆州南四十五步。」然則漢之須昌縣爲一地，在唐須昌縣東三十里；至北齊，又移須昌治廢無鹽城，另爲一地；至唐，又移須昌於新治，在鄆州南四十五步。以北

齊而論，須昌縣治無鹽城，讀史方輿紀要云無鹽城在東平州東二十里，即在今山東東平縣東二十里也。

③ 范縣，今河南范縣東南。

魏書地形志云：「范縣，有洩溝。」而不言其沿革。魏書地形志濟州東平郡亦領有范縣，云「二漢、晉屬東郡，晉屬兗州東平郡，後屬濟州東平郡，治秦城。」王仲犛云：「據地形志，范縣初屬兗州東平郡，後改屬濟州東平郡，故地形志兩載之，非同時有兩范縣並立也。」王氏所言甚是，魏收著魏書地形志，自亂其例，一縣二載，徒給後人增添疑惑。此兗州東平郡范縣無沿革敘述，亦因一縣二載之故，彼濟州下已叙，此不重複也。讀史方輿紀要云：「漢置范縣，屬東郡。晉屬東平國，劉宋屬東平郡，後魏時爲郡治（按：指爲濟州東平郡治，非兗州東平郡治），北齊縣廢。」又云：「范城，在范縣東南二十五里。明洪武十三年爲河所圯，因徙今治。」則後魏、北齊之范縣是在今河南范縣東南也。按先後順序，此縣後來既改隸濟州東平郡，則此兗州下之范縣應刪，而存彼濟州下之范縣。中國歷史地圖集兩范縣並存，恐誤。互詳濟州東平郡范縣下。

△④ 壽張縣，今山東東平縣西南。

魏書地形志云：「壽張，有郟城。」楊守敬隋書地理志考證云：「按地形志有兩壽張，一屬濟州東平郡，故城在東平東南五十里；一屬兗州東平郡，在東平西南。葉氏圭綬謂齊省兗州壽張入須昌，而存屬濟州者。」今從其說，定此後魏、北齊之兗州東平郡壽張縣廢於北齊，在今山東東平縣西南。

△⑤ 平陸縣，今山東汶上縣西北。

魏書地形志云：「平陸，二漢、晉屬東平郡，曰東平陸，後改爲平陸。有廣武城。」隋書地理志云：「平陸，後齊曰樂平，開皇十六年改焉。」元和郡縣志又於中都縣下云：「至漢，以其地爲東平陸縣，屬東平國。齊高帝改平陸縣爲樂平縣，隋復改樂平爲平陸縣，屬兗州。」按宋書州郡志陽平郡領樂平縣，云孝武大明元年復立陽平郡，領縣五，其樂平縣寄治下平陸。按下平陸即東平陸，東平縣本僑置於此，原縣在今山東聊城西。王仲犖云：「按樂平宋世僑置東平陸。至北齊蓋廢平陸縣，樂平始以平陸爲實土。此又一僑縣變爲實土縣之例也。然則後魏之平陸，至北齊變爲樂平縣矣。讀史方輿紀要汶上縣下云：「平陸城，在縣北。漢置東平陸縣，晉末移治於緞密城。」又云：「中都城，在縣西。劉昫曰：中都本治緞密城，在今縣西三十九里。」是漢之東平陸在今山東汶上縣北，晉、後魏、北齊之平陸縣則在今山東汶上縣西三十九里故緞密城也。核諸中國歷史地圖集，「西」應作「西北」，讀史方輿紀要定位稍誤。

△⑥富城縣，今山東肥城縣西南。

魏書地形志云：「富城，二漢、晉屬東平郡。有富城、卜城、武強城、左丘明塚。」據元和郡縣志，左丘明墓在平陽縣東南五十五里。王仲犖北周地理志又引清一統志云：「左丘明墓在今肥城縣西南五十里。」核諸中國歷史地圖集，後魏之富城縣正在今山東肥城縣西南。此縣諸書未見廢於何時，王仲犖北周地理志云「北齊廢」，今從之。

△⑦剛縣，今山東寧陽縣東北。